

Акафист Пресвятей Богородице в честь иконы Ея, именуемая
Млекопитательница.

Кондак 1

Взбранной Воеводе, Владычице нашей Богородице, похвальная пения приносим Ти рабы Твои о явлении чудотворных иконы Твоея. Ты же, яко имущая милосердие неизреченное, соблюди и спаси от всяких бед рабы Твоя, с верою и любовью вопиющая Ти: Радуйся, Богородице Дево, милостию Твоею присно нас питающая.

Икос 1

Архангел Гавриил с небес прииде к Тебе, Богородице, благовестити непостижимое рождение от Тебе Бога Слова, и рече: радуйся, Благодатная, Господь с Тобою. Темже и мы, смиреннии, дерзаем вопити к Тебе сице:

Радуйся, Ангелов радосте;
радуйся, человеков спасение.
Радуйся, падшаго мира обновление;
радуйся, средостения вражды разрушение.
Радуйся, пророческих глагол исполнение;
радуйся, закона древняго пременение.
Радуйся, Агнца и Пастыря во чреве Твоем упасшая;
радуйся, Творца небес и земли плотию рождающая.
Радуйся, Питателя вселенных млекопитающая;
радуйся, млеко́м богопознания верных Питательнице.
Радуйся, повившая Повивающего небо облаки;
радуйся, дланьма носящая на Херувимех Носимаго.

Радуйся, Богородице Дево, милостию Твоею присно нас питающая.

Кондак 2

Видя Иосиф целомудренный Чистую Деву непраздну сущу, восхотел тай пустити Ю: уведев же во чреве имущу от Духа Свята, удивился непостижимей тайне воплощения, и до конца верен хранитель чистоты Ея пребысть; мы же, грешнии, славяще еже о нас Господне смотрение, во умилении сердец наших благоговейно поклоняемся Ти, Дево Чистая, вопиюще Родшемуся от Тебе Богу: Аллилуиа.

Икос 2

Разум человеческий недоразумеает постигнуть велие таинство воплощения от Тебе, Пречистая, Христа Бога нашего, и Ангели небеснии недоуменно дивятся, како нас ради, человек, Владыки Христа с небес на землю низхождение и от Девы воплощение бысть, мы же, земнороднии, Тебе благодарение приносяще, радостно глаголем:

Радуйся, праведных Иоакима и Анны святое прозябение;
радуйся, неплодныя утробы плод благословенный.
Радуйся, в зачатии Твоем чудесем прославленная;
радуйся, в рождении Твоем благодатию Божиею осененная.
Радуйся, благовещение Архангелово во смирении радостно приемшая;
радуйся, девство и деторождение пречудно в Себе сочетавшая.
Радуйся, Спасителя мира нетленно рождающая;
радуйся, Дево Пренепорочная и Богородице Пречистая.
Радуйся, Бога яко Отроча младо пастырем явившая;
радуйся, Владыку, яко Первенца, праведному Симеону принесящая.
Радуйся, Кивоте Божества освященный;
радуйся, Вместилище Божественных откровений.
Радуйся, Богородице Дево, милостию Твоею присно нас питающая.

Кондак 3

Сила Вышняго осени Тя, Марие Богоневестная, и Дух Святыи найде на Тя по благовестию Архангелову. Темже благодатию Святаго Духа осеняема, зачала еси во утробе Твоей и явилася еси одушевленный Кивот Слова воплощенного, Емуже прерадостно вопием: Аллилуиа.

Икос 3

Имуще любовь к человеку, искупленным Кровию Сына Твоего, Преблагая Владычице, прияла еси от Бога благодать покрывать род христианский, емуже в утешение икону Твою сию святую, чудес благодатию прославленную, милостивно даровала еси. Темже благодарственно вопием Ти:

Радуйся, пресветлая звездó, являющая миру Солнце правды;
радуйся, преславная палáто, в нюже вселися Христос.
Радуйся, от всех родов ублажаемая;
радуйся, велие дерзновение к Сыну Твоему и Богу стяжавшая.
Радуйся, вину ходатайствующая пред Ним за род христианский;

ра́дуйся, прѣсно умоляющая Его́ за лю́ди согрешѣвшія.
Ра́дуйся, ско́рая на́ша Помо́щнице;
ра́дуйся, ми́лостивая на́ша Засту́пнице.
Ра́дуйся, грѣшников ка́ющихся Спору́чнице;
ра́дуйся, су́щих в ско́рбех и напа́стех Изба́вительнице.
Ра́дуйся, твёрдое на́ше огражде́ние от находя́щих на ны
озлобле́ний;
ра́дуйся, непосты́дная на́ша наде́ждо.
Ра́дуйся, Богоро́дице Де́во, ми́лостию Твое́ю прѣсно нас
пита́ющая.

Кондак 4

Бу́рное мо́ре преплы́в, Са́ва святы́й, Се́рбскія Це́ркве
первосвяты́тель, за́поведь испо́лнь вели́каго Са́вы Освяще́ннаго, прия́
благоговѣ́нно чудотво́рную ико́ну Твою́, Млекопита́тельнице, от рук
преподо́бных оте́ц Ла́вры его́ и ра́достно возопи́ к носѣмому на рука́х
Твоѣх Сы́ну Бо́жию: Аллилу́иа.

Икос 4

Слы́шавше ино́цы Святы́я Горы́ Афо́нскія, я́ко честна́я ико́на
Тво́я, Богоро́дице, от Иерусали́ма к ним грядѣ́т, с ра́достію изыдо́ша в
сре́тение ея, и узрэ́вше ю́, рука́ма святы́теля Са́вы носѣ́мую,
благоговѣ́нно поклонѣ́шася и с весе́лием си́це Тебе́ вопи́яху:

Ра́дуйся, явля́ющая нам дѣ́вное заступле́ние;
ра́дуйся, сладча́йшее душ на́ших утеше́ние.
Ра́дуйся, Го́ру Афо́нскую благода́тным покро́вом осенѣ́вшая;
ра́дуйся, ико́ны Тво́я чудотво́рныя в ней умно́жившая.
Ра́дуйся, от Иерусали́ма прише́ствием Твоѣ́м но́вое зна́мение
ми́лости Твое́я нам явѣ́вшая;
ра́дуйся, ико́ною Твое́ю насе́льников Святы́я Горы́ благода́тно
озари́вшая.
Ра́дуйся, страна́ствія на́шего тѣ́хое прибе́жище;
ра́дуйся, спасе́нія на́шего немол́чная Хода́таице.
Ра́дуйся, ино́ков премудра́я Учи́тельнице;
ра́дуйся, Свята́го Афо́на Богодарова́нная Владѣ́чице.
Ра́дуйся, затво́рников сла́дкая Собесе́днице;
ра́дуйся, отше́льников наде́жная Покрови́тельнице.
Ра́дуйся, Богоро́дице Де́во, ми́лостию Твое́ю прѣсно нас
пита́ющая.

Кондак 5

Боготечною звездою водими волсви достигоша храмины, в нейже узреша Отроча с Мариею, Материю Его, и падше поклонишася Ему. Сего ради и мы, грешнии, предстояще честней иконе Твоей, Богомати, яко Самой Ти сущей с нами и державшей на объятиих Твоих Богомладенца, со умилением поклоняемся Ему, непрестанно вопиюще: Аллилуиа.

Икос 5

Видяще, Владычице, святыю икону Твою с Богомладенцем Иисусом, Егоже, яко блаженная Мати, от сосцү Твоею питаеши, величаем дивное смотрение Его о нас, грешных, и умиленно вопием Ти таковая:

Радуйся, Подательнице духовных радости;
радуйся, Агнице, рождающая Агнца Божия, вземлющего грехи мира.
Радуйся, лестнице Иаковля, земная с небесными соединившая;
радуйся, в след Тебе девы Царю приводящая.
Радуйся, скорбных матерей утешение;
радуйся, чад их благодатное охранение.
Радуйся, вдов непременная Заступнице;
радуйся, сирых скорая Утешительнице.
Радуйся, алчущих щедрая Питательнице;
радуйся, болящих нечаемая Целительнице.
Радуйся, заблуждших Путеводительнице;
радуйся, юных целомудрию Наставнице.

Радуйся, Богородице Дево, милостию Твоею присно нас питающая.

Кондак 6

Проповедуем милости, явленные Тобою Святей Горы Афонстей, Богомати, и о Покрове Твоем всечестным присно радуемся, видим бо, яко и ныне от иконы Твоея исцелений множество бывает всем верою просящим и умиленно вопиющим Богу: Аллилуиа.

Икос 6

Воссияла еси лучами предивных чудес Твоих, Богородице Дево, от иконы Твоея святыя, на нейже девственную лепоту Твою созерцающе, и рукама Твоима держамаго краснейшаго паче сынов человеческих Богомладенца видяще, к славословию Твоему подвигаемся и тако глаголем:

Ра́дуйся, цвѣте дѣвства неувядаемый;
ра́дуйся, ма́терей сла́во и похвало́.
Ра́дуйся, Мирополо́жнице благоуха́ния Христо́ва;
ра́дуйся, алава́стре, на всяк недугъ врачева́ния подаю́щий.
Ра́дуйся, Предста́тельнице у Престо́ла Пресвяты́я и Единосу́щныя
Тро́ицы;
ра́дуйся, ста́мно злата́я святыхъ святѣйшаго Сло́ва.
Ра́дуйся, преукраше́нный черто́г Царя́ ца́рствующих;
ра́дуйся, Горо́ Свята́я, низхожде́нием Бо́жиим просла́вленная.
Ра́дуйся, Це́ркве Христо́вы сия́ющая ле́пота;
ра́дуйся, всего́ ми́ра удобре́ние.
Ра́дуйся, Небе́сная Цари́це, па́че со́лнца светле́йшая;
ра́дуйся, Влады́чице, от всехъ чино́в А́нгельскихъ покланя́емая.
Ра́дуйся, Богоро́дице Де́во, ми́лостию Твое́ю прѣсно нас
пита́ющая.

Кондак 7

Хотя́щим нам, Богоро́дительнице, благоговѣ́нно лобыза́ти
чудотворный Твой о́браз, не возбранѣ́и, Всеблагая́, грехо́в ра́ди на́ших,
но, а́ще и недосто́йных, с любо́вию приими́ и вся проше́ния благая́
на́ша испо́лни; вѣмы бо, Цари́це, я́ко милосе́рдие Твое́ неисче́тно.
Сего́ ра́ди с упова́нием неотсту́пным к Тебе́ прибега́ем и, сла́вяще
чудеса́ Твоя́, поём Бо́гу: Аллилу́иа.

Икос 7

Но́вую ми́лость яви́ла еси́, Богоро́дице, егда́ неисчерпа́емый
исто́чник исцелѣ́ний и благодатную по́мощь всемъ с вѣрою
притека́ющим ко святѣ́й ико́не Твое́й дарова́ла еси́. Сего́ ра́ди,
благодаря́ще Тя и пречу́дному о́бразу Твоему́ со умилѣ́нием
припада́юще, хвалѣ́бно зовѣ́м Ти:

Ра́дуйся, от го́рних высото́т всехъ нас Ма́тернею любо́вию Твое́ю
назира́ющая;

ра́дуйся, юдо́ль земну́ю многоско́рбную милосе́рдием Твои́м
посеща́ющая.

Ра́дуйся, усе́рдная спасѣ́ния на́шего Споспѣ́шнице;

ра́дуйся, дѣ́вный сосу́д благодатнаго врачева́ния.

Ра́дуйся, прославля́ющих Тя прославля́ющая;

ра́дуйся, и непочита́ющих ико́ны Твоея́ на пока́яние призы́вающая.

Ра́дуйся, во дни бра́ни правосла́вным вои́ном кре́пость подаю́щая;

ра́дуйся, во дни ми́ра серде́ца вѣрныхъ веселя́щая.

Ра́дуйся, нагих и безкровных присно покрывающая;
ра́дуйся, сирот и вдовиц никогдаже оставляющая.
Ра́дуйся, хождение хромым подающая;
ра́дуйся, очи слепым отверзающая.

Ра́дуйся, Богородице Дево, милостию Твоею присно нас питающая.

Кондак 8

Странствие наше земное многоскорбное и многомятежное
успраждаеши, Владычице, иконою Твоею святою, к нейже притекающе
с верою и любовью, уповаем, яко имамы Тя на небеси Матерь и
Покровительницу Всеблагую, присно споспешествующую нам в
жизни сей и по смерти нас не оставляющую. О сем радуешься и из
глубины сердца благодаряще Тя, вопием Богу: Аллилуиа.

Икос 8

Вси роди христианстии присно блажат Тя, Богородицу сущую, и
на лик Твой Пречистый благоговейно взирающе, с верою
покланяются Тебе, яко Честнейшей Херувим и Славнейшей без
сравнения Серафим. Темже и мы, грешнии, с любовью вопием Ти:

Ра́дуйся, Царице, яко преславная глаголашася о Тебе;
ра́дуйся, Владычице, яко небесная и земная пети Тебе не
умолкают.

Ра́дуйся, свеще неугасимая, весь мир сиянием Твоим озаряющая;
ра́дуйся, благоуханный крине девства и чистоты.
Ра́дуйся, любви и милости источнице живоносный;
ра́дуйся, молитвеннице благоприятная за ны грешныя ко Христу
Богу.

Ра́дуйся, грешных ко Творцу приводящая;
ра́дуйся, праведный гнев Его на милость прелагающая.
Ра́дуйся, Ниво неоранная, Клас спасительный миру израстившая;
ра́дуйся, Трапезо пресвятая, живоносный Хлеб нам даровавшая.
Ра́дуйся, лестнице, от тьмы греховныя ко спасению возводящая;
ра́дуйся, звездо пресветлая, путь к небесам показывающая.

Ра́дуйся, Богородице Дево, милостию Твоею присно нас питающая.

Кондак 9

Всякая похвала не довлет славе Твоей, Богородице Дево: Ты бо
Сына от Духа Святаго зачала еси и невместимаго Бога во чреве

вмести́ла еси́; Тобо́ю спасе́ние ми́ра возвеща́ется, па́дший же род челове́чь Пречестны́м Рожде́ством Твои́м от вѣчныя смѣрти свобождáется. Сего́ ра́ди из глубины́ души́ возсыла́ем Ти благодарственна́я хвалѣния и, я́ко избáвлении от злых, поѣм Бо́гу: Аллилу́иа.

Икос 9

Ветии́ многовещáнныя не мо́гут пости́гнути вѣлию́ та́йну Твоего́ приснодѣвства, Богоро́дице, ка́ко в рождествѣ́ и по рождествѣ́ Дѣва́ пребыла́ еси́. Мы же, вѣрою́ правосла́вно велича́юще Тя́ я́ко Приснодѣву́ и Ма́терь Предвѣчнаго́ Живота́, прино́сим Ти из глубины́ серде́ц испове́дание на́ше и любóвию вопи́ем Ти:

Ра́дуйся, ино́ков и ино́кинь правосла́вных благо́е наставле́ние;
ра́дуйся, ревнующих о́ чистотѣ́ и целому́дрии твѣрдо́е огражде́ние.
Ра́дуйся, дѣвственных чино́в свята́я Предводи́тельница;
ра́дуйся, и бра́ка честна́го за́щито́ и покрóве.
Ра́дуйся, в ложесна́х Твои́х Бо́га нетѣсно́ вмести́вшая;
ра́дуйся, Еди́на непоро́чная в жена́х.
Ра́дуйся, нетле́нная и неискусобра́чная А́гнца́ и Па́стыря́ Ма́ти;
ра́дуйся, Ма́терним Твои́м к Нему́ дерзнове́нием спасе́ние ми́ру устро́яющая.
Ра́дуйся, я́ко о Тебе́ раду́ется а́нгельский собо́р;
ра́дуйся, я́ко о Тебе́ торжествует́ челове́ческий род.
Ра́дуйся, все́ми добродѣ́тельми преукраше́нная;
ра́дуйся, от всех христиа́нских родо́в почита́емая и ублажа́емая.
Ра́дуйся, Богоро́дице́ Дѣво́, ми́лостію Твое́ю присно́ нас пита́ющая.

Кондак 10

Спасти́ хотя́ мир, Предвѣ́чное Сло́во избра́ Тя, Пречи́стая, и из честных́ крове́й Твои́х истка́ Себе́ плоть, яв́ися на земли́ и спасе́ние ми́ру соде́ла. Те́мже песносло́вим Тя́ я́ко Всепѣ́тую Ма́терь Изба́вителя, благодарственно́ вопи́юще́ Емү́: Аллилу́иа.

Икос 10

Стѣну́ необори́му и покрóв неруши́м имѣю́т Тя, Богоро́дице́ Дѣво́, во оби́телях ино́ческих подви́зajúщиися и Помо́щницу Держáвну вси, на Тя́ по Бо́зе все упова́ние своѣ́ возлага́ющи, Тебе́́ бо даде́ся от Го́спода благода́ть моли́твеннаго́ заступле́ния, и Ты́ еси́ вѣрных в

дѣвствѣ и чистотѣ утверждѣние. Тѣмже и мы, грѣшнии, благоотѣшии душевное в Тебѣ обретающе, усѣрдно взываем:

Радуйся, дѣбѣ подвижающимся Ходатаице блаженнаго упокоения;
радуйся, иноком, на плоть воинствующим, Подательнице вѣчнаго радования.

Радуйся, безмолвствующих благодатное осенение;
радуйся, старцев благоговѣйных отрадо и утешение.

Радуйся, старец боголюбивых крепосте и утверждение;
радуйся, юношей и дев в дѣвственном житии заступление.

Радуйся, матерей раждающих и млекопитающих от бед ограждающая;

радуйся, всяк возраст верных Матеряго благопопечения Твоего сподобляющая.

Радуйся, благочестивых домов покрове и благословение;
радуйся, обидимых и гонимых готовое заступление.

Радуйся, обидящих грозное обличение;

радуйся, враждующих любвеобильное примирение.

Радуйся, Богородице Дѣво, милостию Твоею присно нас питающая.

Кондак 11

Пение хвалебное приносим Ти, Христѣ Царю, в вертепе рождшемуся и во яслех возлѣгшему спасения нашего ради. Тѣмже в пѣснях величаем и Пречистую Матерь Твою, Приснодѣву Марію, пред честною иконою Ея возвещающе милости и чудеса, имиже обогатися вся вселенная. Ты же, Всеблагая, Самая научи нас вѣну взывати Богу: Аллилуиа.

Икос 11

Свѣтлыми лучами чудес Твоих, Богородице Дѣво, мрак греховный отгоняеши, всех нас на стезю спасения наставляющи. Тѣмже молим Тя, Всеблагая, приведи нас к тихому пристанищу Твоему, да со умилением приносим Ти хвалебная пения сицевая:

Радуйся, Пренепорочная Владычице, Солнце Правды верным возсиявшая;

радуйся, плачущим и скорбящим небесное утешение низпосылающая.

Радуйся, нищих и убогих богатство неоскудеваемое;

радуйся, подвижников благочестия во брани духовней укрепление твердое.

Рáдуйся, предстáтельство к Бóгу нáше крѣпкое;
рáдуйся, в час конч́ины ограждѣние нáше необор́имое.
Рáдуйся, в рáйских селѣниях ходáтайством Тво́им нас
водворяющая;
рáдуйся, благочѣстно живúщим Мáтернее милосѣрдие являющая.
Рáдуйся, от восто́ка до за́пада непрестáнно слáвимая;
рáдуйся, от А́нгел и человек в пѣснях рáдостно превознос́имая.
Рáдуйся, рук нáших делá исправляющая;
рáдуйся, скóрби лю́тыя в рáдость претворяющая.
Рáдуйся, Богорóдице Дѣво, м́лостью Тво́ею пр́сно нас
питающая.

Кондак 12

Благода́ть и м́лость испроси́, Преблагословѣнная Ма́ти, от Сýна
Твоегó, Христа́ Бóга нáшего, и, воздева́ющи к Немú Богоприѣмней
ру́це Тво́й, умоли́ Егó вся ны спасти́ и избáвити от ѓбели вѣчныя:
мнóго бо мóжет молítва Тво́я Мáтерняя ко благосѣрдию Влады́ки;
тѣмже рáдующеся, поѣм Рóждшемуся из Тебѣ: Аллилу́иа.

Икос 12

Пою́ще преслáвная чудеса́ Тво́я, Богорóдице Дѣво, от ико́ны Твоея́
святы́я пр́сно явля́емая, велича́ем Тя, возвели́чившую род наш. Ты
же, Всеблагáя, освяти́ и спаси́ вопи́ющия Ти сицевáя:

Рáдуйся, Ма́ти, безмúжно Предвѣчнаго Сýна рóждшая плóтию;
рáдуйся, я́ко Тобо́ю печáли нáша утоля́ются.
Рáдуйся, живонóсный м́лостей истóчник всем к Тебѣ
прибегáющим;
рáдуйся, лучезáрный светíльнице омрачѣнных душ нáших.
Рáдуйся, прорóческая свѣтлая похвалó;
рáдуйся, апóстольская нетлѣнная слáво.
Рáдуйся, мучеников утешѣние;
рáдуйся, святítелей укреплѣние.
Рáдуйся, неотстúпная Хранítельнице йноческих обítелей;
рáдуйся, праведных непрестáнное рáдование.
Рáдуйся, м́ра Влады́чице;
рáдуйся, я́ко Тобо́ю спасѣние содева́ется.
Рáдуйся, Богорóдице Дѣво, м́лостью Тво́ею пр́сно нас
питающая.

Кондак 13

О, Всепётая Мати, Млекопитательнице Спаса нашего! Услыши сердечная воздыхания наша, буди тёплая Заступница и Молитвенница за нас пред Сыном Твоим и Богом, о еже избавитися нам от грех наших, да не пребудем вне чертога Его, но сподобимся со всеми святыми пети Ему: Аллилуиа.

Молитва

О, Пресвятая Владычице Богородице, Пречистая и Милостивая Млекопитательнице! С любовью и благоговением припадающе ко святому и чудотворному образу Твоему, на немже видяще всех Творца и Господа, яко Младенца, пречистым млеко́м Твоим питаема, благохваления и поклонение приносим Ти грешнии и недостойнии рабы Твои и слезно молим Тя: не остави нас без Твоея помощи и заступления! Се бо грехми и страстьми расслабленни есмы и гладом духовным погибаяюще, алчем и жаждем пищи небесныя. Оскуде бо в нас вера, упование благое, любовь и благочестие. Несмысленни и младоумни есмы, зане присно умом и деяньми младенствуем, и воли Божией не творим, ниже разумеем, что есть благое или злое. Ты же, о Царице Небесная, Питательница жизни нашей, покровом милости Твоея покрывающая вселенную всю, напитай нас от источника благодати Твоея млеко́м богопознания, да возрастаем в страхе Божии и смиренномудрии. Ты еси миро, изливанное любящим Тя рабам Твоим, росю молитв Твоих Богоматерних ороси нас, да принесем Богу плоды покаяния и житие нескверное. Укрепи нас малодушных, омраченных грехми просвети, востание страстей наших утоли, ко спасению вечному окорми, немощи естества нашего исцели и не остави до конца погибнути рабы Твоя, Ты бо еси едина Заступница наша и Упование, и вси надеющиеся на Тя не постыдятся, яко да Твоими теплыми молитвами в день Страшнаго Суда Христова избавимся будущаго осуждения и нескончаемыя муки, сподобимся же избранных радости и веселия вечнаго, во еже со всеми святыми воспевати Сына Твоего, Христа Бога нашего, Емуже подобает всякая слава и благодарение, честь и поклонение со Безначальным Его Отцем и Пресвятым и Благим и Животворящим Его Духом, ныне и присно, и во веки веков. Аминь.